

محمد جمال حسان
(محمد الشاعر)

همس العيون

أشعار

بطاقة الكتاب

عنوان المؤلف : همس العيون
المؤلف : محمد جمال حسان
اسم الشهرة : (محمد الشاعر)
التصنيف : أشعار
رقم الإيداع : 2018 - 5198
عدد الصفحات : 100 صفحة
رقم الإصدار الداخلي: 148
تاريخ الإصدار الداخلي: فبراير 2018 (الطبعة الأولى)
تصميم الغلاف والتنسيق: دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 فاكس: 020554372901

alnilwaalfourat@gmail.com alnilwaalfourat

القرن الرئيسي: ج.م.ع. معاقلة الشرقية - العاشر من رمضان - مجاورة 13 - أمام سنتر الـ 13 - عقار 304

الإهداء

إلى عشاق العزف بالكلمات
والإستمتاع بالقراءة للإبداعات الراقية
إلى قرائى الأعزاء
أهدى إليكم باكورة أعمالى الإبداعية
حبا وكرامة

محمد جمال حسان
(محمد الشاعر)

<https://www.facebook.com/profile.php?id=100003169307880>

أنا استاهل

يمكن يكون اللى جوايا يعديكم
والله لو ليا حبايب من قسوتكم تعاديكم
وانا زمان لو جرحتونى جرحى يفاديكم
انا اللى استاهل دوس الناس
عملت نفسى مداس فلبستوه فى رجليكم
وانا استاهل
عملتونى مسجون فى يوم وليلة خلاص
والله انا استاهل اكيد لدوس الناس
لو كنت يوم افهم أو فيا
عقل ساكن فى الرأس
كنت عرفت الخيانة
هتكون ردهم للشوق والاخلاص

كنت استنيت إهانة
مش حب وغرام وإحساس
وانا استاهل
وانا استاهل كثير وكثير
مدام بحب مدام بغير
وكان باين وكان خاين
وبيتهمنى انا بالتقصير
وكان حبه بيتعبنى
اروح واجى مفيش تغيير
كرهت لاجلوا انا نفسى
وكان نفسى فى حبوا اظير
نسيت روى على جروحي
سالت نفسى هطير ازاي
ايوة صحيح
هو انا طير هو انا طير

وانا استاهل

كنت يتيم الحب

كنت يتيم الأب وامى نفعانى

الحمد لله يارب

انى فضلى حد دة قلبى بيعانى

من كتر القسية فى الليل

أحب صبية الصبح بيعانى

اكيد العيب عليه

والقلب جرح فىا بيحب فى ثوانى

ظلمك لى

وايه غايتك فى الحياة
غير بس تظلمينى
زى جاحد هد اللى بناه
نفسى فى يوم تفهمينى
تروحي شمال اجيكى
تروحي يمين تلاقينى
فاكرة حبى ليكى ضعف
تبيعى فيا وتشترينى
لا يا قلبى ليكى وف يوم
ما تيجى وتجرحينى
بس انا قلت يوم تعقل
لازم فى يوم تتقل
كنت بستانك يا وردة
وجه اليوم الوردة تدبل
وردة عاشت وردة ماتت

بس عيوني حاش الله تدمع
وشاهدة كل الناس والحق
من ربي فشوف واسمع
مين اللي ظلم مين ومين اللي
جرح مين ومين اللي عنيه خاينين
فمترجعش تشكى وترجع تانى تبكى
وجايا اليوم تداوينى
واية غايتك فى الحياة غير بس تظلمينى
قلت بحبك مليون مرة جيتلك
عاشق شوفى كام مرة
بيا حياتك بقيت حلوة
وبيكى حياتى صبحت مرة
لية فاكرانى دايمًا قاعد
انتى وقلبي هرمىكوا برة
الحب عرفناه للنسوان

والرجالة فى بلادنا حرة
والضعف عندى اصله
قوة فنفسك ترجعيلى
كان ع عيني
وايه غايتك فى الحياة
غير بس تظلمينى

مين يزaid عليا

مين يزaid عليا ولا حتى يلوم
عشان بحبك بضحي عنك اصوم
من امتى الصايم كاره الزاد والميه

ومن امتى الحاكم يحس بالمحكوم
بخاف عليك منى يا اقرب من الننى
صحيح بضحكى بكسرك والقلب مهموم
عايزك تطيب وتبعد والله غصب عنى
فتشوفنى ظالم وانا بعدك مظلوم
يارب حملى ثقيل انكتب عليا أبعد
هون أمانة مدام هعيش انا محروم

انا اللى فى بلدى
فسقيت الاموات احلى من بيتى
ولما اقول الآه واتوجع
يقولوا غلط ويهينوا تربيتى
مع انى عايش ومش عايش
يدوبك بجرى على قوتى

ولو اتكلمت اموت ولو سكت ميت
يا نفس همى بقى موتى
وارحمينى من عذابى
واكتمى بجد صوتى
انا اللى عايش عمرى
كله ببنى انا فى اوضه
ويوم ما البس جديد يطلع
قديم ومش موضه
وغيرى ببينى فى اليوم
الف وخمسميه اوضه
دى لسياحة ودى للتناحة
يوموا يطلع ابيض وليلتى انا سودة
طب ام الدنيا ازى وهى مش امى
سيبة الكلاب بتنهش ومحلل دى
لاقلتى يوم عيب ولا شيلتى فى يوم عنى

وبعد كل دة مسامحك يا بلد

ياللى فيكى ولدى اتولد

الرجال أفعال

واخدة الكلام على صدرك ومضايقه

وعايزانا نتساوى وانا راجل وانتى ست

يمين ثلاثة ما حامله وخلايقه دايقه

واظاهر نسيته روحته ولا جيته بت

اعقلنى ومايزى خلى عقلك فى رأسك

مش بالكلام تضاهينى حتى اسالى ناسك

انا الشاعر هيبة وطيبة و عيوني حراسك
انا القديم مش موضّة وفي تقليدي انا ماسك
انتى فى عيوني ملكة تنامى أخاف فاعد أنفاسك
تسالىنى عن الحب الحب عندينا شقى
احنا الرجال أفعال واسالى احساسك

أنا الماضى

انا الماضى انا الذكرى
انا امبارح انا بكرة
انا اللى بيك حبيت الكون
وكان نفسى تاخذ فكرة

عشقتك كل يوم بضمير
وقلبي غصب عنى يغير
وياريت اقدر ابعد عنك
الاقى حبي ليك مقادير

عرفت الحب فخفت عليك
بتوحشنى بجد عنيك
واخاف تغيب بعيد عنى
وتفارق ايدى حبيبى اديك

هو وهى

تيجى نتكلم ؟

قول سمعاك

افردى وشك !

فارقة معاك

فارقة كتير يكفى هواك

شكلك رايق وانا تعبانة من الأولاد

طب ما انا تعبان بقالى سنين

فكرك يعنى هروح على فين ؟

شكلها ليلة مش هتفوت

واضح جدا علو الصوت

قولى يا ستى غنى وهاتى

هو موشح باخدة ليلاتى

ويوم ما انتنط تيجى حماتى

روح يا حبيبى شوف كدة نفسك

انا تعبانة اكلك عندك غير لبسك

انا مش طافح

اوعى تقول سدتك نفسك

لا وعلى اية

لون أُمى

امى لون مش من الألوان
امى لونها شكله جنان
شكل لايق شكل عايق
شكل ملاك لابس انسان
امى امى غير كل الأمهات
امى عندى ست البنات
كتبت بيتين شعر عامى
قلت اوصف فيهم امى
معرفتش اوصف فيهم تعبها
كثر التعب على لسانى

اااااا كل دة شلتيه يا امي

کله ده کان بس علشانى

تسلم فيكى الى

رَبِّتِ يَا زَيْنَتُ الْبَنَاتِ

صدق اللى قال الجنة

تحت فى أقدام الأمهات

رہی یحمیکی امی

يكفى انك تفهمينى

في الكلام قبل السكات

يکفی انی غصب عنی فیکى ساکن

انتی عینی و انتی ننی انتی

سہم فی قلبی ساکن

رغم تعبى رغم قرفى رغم غلبى

وقسوة قلبی بس لکن

بجباك بجباك يا امی

خليكى فاكراه

ياك فاكراه بحبك تملكينى وتخلينى
انسى فى الهوى ناسى
ياك فاكراه يجرى يوم تجرحينى
وتكونى فية تاج راسى
لا انا سايبك تتعلمى فى الغرام ماشى
تتدلى ماشى تتبغدى ماشى
ولا اكسر فى يوم قلبك الصافى
بس من النهاردة لازم يا حلوة تخافى
لما تكبرى علىة وبالعد تجافى
ياك هزعل عليكى عيب يا بت اتحداكى
دا القلب مهما عشق مش هترجاكى
مسكينة لو بعدك فاكراه انى هموت

لانى بعدك حر واقولها بعلو الصوت
 مش عايزك مش رايدك ولا تمنيتك يوم
 ياك فاكرة فى وجودك مكنتش انا محروم
 كنت بقول الالة و100 مرة بقول مظلوم
 ياك فاكرة لما تمشى هتبكى وعلى قلبى هلوم
 واروح اشتكى لفلان وفلان
 واعتبرك هم من الهموم
 دورت فى عينى على دمة
 ليكى والله ما لقيت
 وانا ال كنت فاكرك ست وبنيتك بيدى بيت
 قلت غلبانة طلعتى تعبانة وناويلالى على الموت
 فاكرة زمان لما بقابلك وكنت احتار
 شفتى نفسك قلتي دة حبك سيبوا فى نار
 ده حتى الفنار
 اللى بحبك فية طلع اثار

وحتى الصقالة

غرقت في البحر والزمن عليها جار

هتبقى أنتى

لا يا حبيبتى دة الزمن دوار

ياك فاكرة ياك فاكرة

حبك مات في قلبي

خليكى فاكرة

حب يشبه حب أمى

حب ايه اللى مجننى
حب يشبه حب امى
اخذتى عينى اخدتى قلبى
بكرة جاى اقابل عمى
زى ما انت واحدة واحدة
عمرى ما شفت زيك واحدة
خلاص نويت افوت الوحدة
وتبقى عينى وكمان الننى
حب اية اللى مجننى
قلبى حبك ازاي ولية
لو على البنات أهم حواليه
فى يوم وليلة بتصبح فية
انت ناوى اكيد تتعبنى
حب اية اللى مجننى

من الوريد كدة للوريد
حب طاهر لسة وليد
بعشقك لو حتى بعيد
بس ياريت كمان تفهمنى
حب اية اللى مجننى
حب يشبه حب امى

طمعان فى إنصافى

احنا مش لوحدينا
كلمتها ليه دايمًا وعلى طول
فى يوم اتمنى العمر يقصر
ويوم تانى ادعى المولى انة يطول
عارف وشايف ومش صغير
شبعان تقليد ومتربى على الاصول
حابك بالقراءن والسنة
ونبيننا محمد الخر رسول
مش بالورقة والقلم ولا ابوها حساب
الاقى قلبى انتظلم واصرخ اقول كذاب
بكذب انا روحى ومصداق الاحباب
يا ريتنى لا شفتك ولا عرفتك
ولا دقتك باب
ياريت كان بايدى الحب زى الموت
امر وفرض وغلاب

الموت هو هو واتعددت الاسباب

متلومنيش بالمنطق

والله قلبي في حبك داب

كل همى تكون جمبى

ولجل الناس نكون اغراب

يلعن ابوها ناس يلعن ابوها دنيا

كفنى اشتريتوا خلاص

ولا اكون لواحدة تانية

ولو العمر بيتحسب بالفرح

يبقى معشتش فية ولا ثانيا

ما انتى حياتى وانتى روحى

انتى عيونى من غيرك عميه

واية يفيد بعدك النظر

واية لزمتهها بس عنية

غير الدموع وابات موجوع

لو اتغيرت لحظة عليا
عازرك ومقدرك وشايلك على راسي
بس غصب عنى دة شئ
فوق احتمالى واحساسى
لو خيرونى بيك
وبين اهلى وبين ناسى
عارف انت الرد فى
الليل لية بتصبح ناسى
حبك معشش فيا واختلافى
بينى وبينك اخلاصى
مش قادر اعمل مش شايفك
مش قادر اكونلك قاسى
بس العيون فضاحة
غلبت ادارى فيها
وعشان بس ارضيك

عملتك تاج لراسي
استكثروك عليا ويتموني
فيك والله بالعاصي
لو بيدى وجودك اموت انا
رغم انى مش عاصى
وحامد لربى ودارى
النصيب استغفر الله العظيم
وبشهدك يارب على الناس
وطمعان فى انصافى

انت ملاك ماشي علي الارض

انت ملاك ماشي علي الارض
حبي ليك سنه وفرض
اخاف انساك وانسي هواك

هكون مدان في يوم العرض
انت ملاك ماشي علي الارض

انت ملاك مش عايز غيرك
همسه عمري اموت من غيرك
قلبي في صدرك حبي اسيرك
ميت فيك بالطول والعرض
انت ملاك ماشي علي الارض
انت ملاك وعنيك حلوين

جرح بجرح خلاص خلصين
مش في الشرع ومش في الدين
اكون في شرق تكون في الغرب
انت ملاك ماشي علي الارض

أنا العربي

أنا العربي وأنا المصري وأنا السوري
أنا المسلم بكتاب الله وكتابه مذهبي ودستوري
وأنا العارف آخرها حساب وهدفن تحت التراب
فنخاف على بعض احترم شعورك وتحترم شعوري
ليك بيت ملكك ودة سورك ولية بيت ملك ودة سوري

فماتدخلش فى امورى

وانا صاحب ملك وعقدى أخضر مش سورى

يلعن ابو روسيا على الامركان

باسم حقوق إنسان انا اسف

وعشان تفهم Im soory

ما انا العربى وانا المصرى وانا السورى

انا المولود فى الموصل ولو لية هدف يمين هوصل

ومتربى فى الجولان وناس امى ساكنى ليبييا

وربى كاتبلى فى القرءان لازم صلة الرحم توصل

قعدت سنين فى بيروت وفى اليمن ليا بيوت

حتى الجزائر ولاد عمى وتونس كل خلان امى

ولا مكة والكعبة عماى هناك والنعمة

وعشان المسجد الأقصى زيد فى الحب واتوصى

انا العربى حدودى من الاقصى للاقصى

ياريت تفهم مهما تكون كسبان

لازم فى يوم ياجى دورى
انا العربى وانا المصرى وانا السورى

الكتابة

بلاقى نفسى فى الكتابة
وغير الكتابة بجد ماليش
نفسى أعيش زى الديابة
هى الكتابة تاكل عيش
بس الكتابة مش كلام
هاتلى بيت من غير حطان
الكتابة لو جد حرة

تبنى وتعمر اوطان
بيقولوا شاعر صحيح وبيكتب
بس النصيبة كلة بيكدب
حتى الكلام يجرك سجن
يادى الممرار الطافح
والليالى الحزن
يكفى بس تقول معايش
هى الكتابة تاكل عيش
بلاقى نفسى فى الكتابة
وغير الكتابة بجد ماليش
غير الكتابة انا معرفش
كان نفسى أكون بالف وش
وش يفرح وش يبكى
وش صادق وش غش
بس فى الكتابة متغمرش

كدة كدة فقرى وعشاك المش

فماتكترش ومتسالش

حتى السجن

فى بلدك نعمة فماتغنیش

هى الكتابة تاكل عيش

خليك عاقل وابعد يا بنى

اوعى تقول ابويا ماقليش

هى الكتابة تاكل عيش

راحه

ياك فاطر راحتك
والسعادة وسط البنات
السعادة أن وحدة تكون فى قلبك
وتبقى ليك ست البنات
السعادة حب دافى
واحدة حلوة بقلب صافى
تفهم فيك حتى السكات
السعادة حاجة واحدة
تكون حياتك ملك واحدة
فى الحياة قبل الممات

السعادة مش كثير

بس نرضى واوعى تنسى

أن امك قبل ابوك كانت بنات

كل بنت عنيك عليها لم نفسك

تكفى واحدة بتكون ليك سكر نبات

ياك فاكراحتك يا قلبى وسط البنات

مفیش غیرک

مفیش غیرک

وسط القلب ولا قبلك

يا روح الروح

بس اشوفك أو اقبلك

صدقنى انت

الوحيد لا قبلك ولا بعدك

طب وليا مين غيرك

واعمل اية فى بعدك

بعدك ضنانى الشوق

ما تقولوا كان مالى

ياورد من غير

شوك وكل رأس مالى

فات الهنا والزوق
ومن بحر الغرام راح مالى
لو الهوى مقادير الموت
فى بعاذك رحمه لى
شبكنى فى غرامك
وآخر المتمة
قال وانا مالى
لو اعرف للحب ظاهر
ما كنت عرفتة
ولا كان اليوم حالى
انا اقاضى قاضى الغرام
ما كنت بعيد
وكان القلب خالى
لا عرفت يوم التعب
والشقاء الله

يجازيك يا هواى
شمت فيا عوزالى

جمال

الجمال فيها زيادة
لابسة غالى أو رخيص
والأدب كمان بزيادة
كل يوم ألفين عريس
والغزل دة عندى عادة
تتو لك زى الحشيش
حبة رايق حبة فايق
حبة غيرى ما يساويش
النصيب عنها بعدنى
واعمل اية انا فى النصيب
فكرك اموت ولا اعيش
والجمال فيها زيادة

أبويا راجل فقير

ابويا راجل فقير
وعلى قد حالة
مش عيبوا انوا فقير
العيب فى عيالة
اللى زعلان
واللى قرفان
واللى عايز راجل مكانة
بيعايروا ابوهم بالفقر
ومش عجبهم عنوانة
فيهم الحرامى
والكسلان
واللى عايز قطع لسانة
ومن امتى الكبير

بيتعاير على
شقاة وحرمانه
يعمل اية الكبير
لو الصغير ما حسسش
كل البيوت تعم
ر بالعمل واحنا بيتنا معمرش
وكان ابويا واللى
عملوا فى عيالة متمرش
يمكن يكون غلطان
والهم زاد عليه
والعيب اكيد مش عيبة
انت اللى عامل بية
ما تعيش عيشت
اهلك والغالى يرخصلك
عمر الراحة ما كانت كلام

أظهر وبأن على اصلك
مش عاجبة بيتوا دة
عايز قصر
كل كلامى مع احترامى
دة على مصر
كل ولادة عايزة الراحة
يصحى كمان ف صلاة العصر
عايز يفطر عايز
يشتم قلة ادبوا
فوق الحصر
وغيروا بيتعب
ربنا كارمة تفكيره
حميه وجبلوا النصر
بعد دة كلة العيب
على مين مالها

يا ناس حبيبتى مصر

غضب عنك

انا غضب عنك راحتك

وغضب عنك أكون

يا ام القلبيب أخضر
معرفش حتى يخون
خايف عليك بعدى
خايف يا قلبى تكون
ويا خوفى من بوعدى
كل الليالى تهون
كل الليالى تروح
وياروح ما بعدك روح
صحيح انا المجروح
خلصان قلب مدبوح
خايف عليك تنسانى
ساعات دقايق ثوانى
طب هو العمر من غيرك
هستنى اية تانى
انت الهواء انت الدواء

وانت اكيد اكيد عنوانى

خايف عليك تنسانى

خايف عليك وعلى نفسى

ليالى تفوت وكان نفسى

أعيشها معاك أكون وياك

ورب العباد مبينامشى

فكلوا كلام والكل راح يمشى

ليالى تفوت وكان نفسى

وهاتعدى الليالى

وهاتعدى الليالى طوال طوال

واقابل ناس بشكل الديب

ونتغير ونتحول عن الأول

والغالى فينا صبح كراكيب

ما انا استاهل واظاهر
اخذنا خلاص على المراكيب
اخذنا خلاص على القسوة
وكان العمر ما بيسوة
وبنرخص صبحنا بلاش
أمانة عليك ما تفكرناش
ما انا العايش بقالى زمان
ما انا الراضى ومش راضى
وطول العمر قاعد كربان
اكونلك حزن فكونى امان
ما انا مهما كبرت انسان
حنى بقى شوية
يا ام القلبيب اخفيف
مهما طال الشتاء
لازم فى يوم نصيف

معزورين شبابك
حبين بجد ترابك
والعيب مش فينا
والله راح نبني لازم
فى يوم نجنى
من كل اراضينا
من كل شبر فيكى
تسلم بجد عنيكى
وتسلمى سيناء
يا مصر كل الحكاية
نراضيكى نلقاكى تراضينا
وهتعدى الليالى طوال طوال

حنى وخذى نفسك

حنى وخذى نفسك

يا ام الليالى طوال

دة مهما كان البعد

يكفينى حتى السؤال

على عينى يا نور عينى

هموم على كتفى حمول تقال

ولا كلوا بيتفسر

مش كل الكلام يتقال
بدعى انا ربى
والله ياقلبى تتعدل الأحوال
والله لو بيدى يوم
ما اتاخر صعب ومحال
بس النصيبه كبيره
وحشتينى اخلص وتعال
تلاقينا زى ما احنا
فى مطارحنا لو عمرنا طال
حنى وخذى نفسك
يا ام الليالى طوال
لازم انا اصبر
لازم أكون حمال

إمتى الأدب أحسن !؟

ياللى نويت على الأدب

امتى الأدب احسن

فى ناس تصون الأدب

وفى لم اللسان تسلم

ابعد عن تربيت اموا

ربايت الراجل احسن

خليك راجل لسانك

من قبل ما تندم

وصون عرض الناس
بالأدب اللى بلا دين أسلم
خليك وجهة لدينك
سيدنا النبى احسن
شفت اية فى الأذى
مهما شفت اكيد بلسم
الدين والشقاء زمان
وانت كبير اليوم مسلم
مسلم بالكلام
صلاة النبى احسن
ياللى نويت على الأدب
امتى الأدب احسن

عمرى ما كنت ريس

عمرى ما كنت ريس
ف المركب ولا مسكتك دفه
ولا ف عز البرد حنيتى
ولا عرفت يوم اتدفى
يا مصر توبك غالى
على الكل ذاد غطى وكفى
بس ولادك ظالمة وكفه على كفه
ميزان عدلك خلاص خاب وما وفه
كان ودى فيكى العدل
يعود وتنعدل معاه الكفه

يا مصر انتى كل شئ ثابت
وانا يومين كمان واتوفى
فبلاش تبيعى دمي
اللى سأل عشائك واتصفى
عمرى ما كنت ريس
فى مركبك ولا مسكتك دفه

جوه ويردى حب لبلدى

بس فى مصر تلقى الشقى مليون المر

بتعلمنى بتقوينى وتخلينى دايمًا حر

ايوة انا مصرى غصب عنكم

جوة ويردى حب لبلدى

بدل الدم تشوفوا يمر

عمرى ما ابيعها عمرى ماسيبيها

هو العمر أكيد من غيرها

ما يصبح عمر

كل تعبى وشقايا فيها

بتقوينى وبتحيينى وبتخلينى

أدوب فى عنيتها يا ناس السمر

أول حب تشوفوا عنيه

اول حب غالى عليا

ال يفكر يجى يموت

ما يشوف منى غير الشر

بس فى مصر تلقى

الشفى مليون المر

بلاد فرعون

فى بلادنا بلاد فرعون
تقدر على اللى بيحصل
تقدر على اللى يكون
دة مهما يكون مش هتوصل
فى بلادنا بلاد فرعون

ممكن نكون ظالمين
واكيد بدة عارفين
بس ساعة الجد
نقف وبنكون العون
فى بلادنا بلاد فرعون

واسال علينا كثير
يمكن تشوف تقصير
بس عشانك يا مصر
العمر كله يهون
فى بلادنا بلاد فرعون

تعالى وشوف بنفسك
تعالى لو كان نفسك
تموت هنا فى بلادنا
عارفك بتقول مجنون
فى بلادنا بلاد فرعون

غرام فاق الكلام

حبك غرام فاق الكلام
مش عارف انام لية تصحينى
اسهر ادوب وانعس يدوب
تجرح قلوب وبتشفينى
افرح ساعات وانسى الحاجات
مع أنها دى قصاص عينى
ما عارف اروح دة الروح تروح
ما انا المجروح قلبى كوينى
وجعى يزيد لو هو بعيد
ومفيش جديد حبوا مليونى
واهرب على فين يا عاشقين
والصبر منين كدة دلونى
فى بالى خطر قلبى فى خطر

هو القدر ياريت سامحوني
ياريت بايدي ابعدي يا سيدي
قطعوا وريدي ودباحوني
يمكن أتوب منيش أيوب
بعد الغرام لية هجروني

العيب مش فيكى

ازيك عوافى توعد توافى
والعيب مش فيكى
وان كنت جافى يا بحر صافى
وحياة عنيكى
لا ارجع أكون وانسى السكون
وانا اية أكون غير بس ليكى
يا مصر عدى مين بس قدى
انا بس بدى والله اقوم
ارفع شعارك واطفى نارك
وابنى ديارك لو حتى يوم
أن شالله ساعة اخدها طاعة
لاجلك اصوم
لاجلك اموت وادخل تابوت
لا انا صاحى ولا أعرف نوم
ما انا اللى من غارب جتلى السيل

من بين كل الناس تلقيني مهموم

إحنا الأسياد بكتاب الله

مش فى الفلوس

معندناش فلوس

عايزين يهدوكى
وانتى ضهر العرب
لا يبقى لينا صوت
لا يبقى لينا حس
غير لما نصرخ
واحنا بننضرب
عرفتى عايزين
اية عرفتى خايفين لية
عرفتى هما فى الاصل
كانوا وبقياوا اية
هما الكلاب
واحنا الأسياد بكتاب الله
ذاكروا كتابنا مشيوا
عكسوا فى بالهم يغيروا
فى يوم وليله

إرادة الله حاشى لله
أحنا المسلمين لنبيننا
واصلين كنا فى يوم
للعالم ده حاكمين

فمادمتش لنا
تفتكروا هدموم لمين
والله بكسر الهاء لحكم
ربنا راجعين
تحية لسوريا تحية
للعراق تحية لفلسطين
تحية لبورما
ومسلمينها اللى
على البلاء صابرين
لا إله إلا أنت سبحانك
كل العرب ظالمين

كل العرب ظالمين

على قد حالى

على قد حالى لا ركبت

بسات ولا اشتريت الجتا

وكل يوم عند الدكتور

يكتب علاج

ويملاً بيه الروشتا
ولا فى المعادى
ساكن بيتى
بسيط لكن
فى اشرف حته
ومنيش عضو فى النادى
ولا تليفونى ايفون
ومسميه عده
ولو على المرجله
راجل طالع
من العشش
والحراجية واتحدى
أى حد خلقة ربنا
يستقل بيه
اكيد بيه اتغدى

رغم إنك مش معايا

سبت حاجه فى كل حاجه

رغم إنك مش معايا

سبت ايه ازاي وليه

رغم واضح من البدايه

أن حبك كان قتلنى

أن قلبك كان بيعنى

باختصار
أن قلبى
يوصل للنهاية
سبت قلبى
معاك خايف عليك
من الخوف
يمكن تكون تعبان
يمكن تكون مجبور
تحت اسم الظروف
ساعاتها هكون عارف
زيك هكون تعبان
فبعت عينى تشوف
تظمنى على الغالى
الى فايتلوا انا الغالى
وفى اخرتها الاقى الشر

بيكون رد على المعروف
يسأل جسمي فين اخواتي
فين القلب فين العين
ياريت فيكم حد يرد
انا حيران انا مكسوف
رجعت عايش من غير قلب
ومن غير عين
الناس تقول ياليل
وانا وحدي بقول يا عين
ارحموا ذليل المحبة
وبلاش تكسرولوا العين
كفاية ظلم الاحبه
والجروح تعمى العين

كل يوم افتح دولابها

كل يوم افتح دولابها
واعد هدمها حته حته
واللف بيتي ركن ركن
والله وفي كل حته
اشوف عنيتها
مع ضحكتها
اقول مش راجعه لية بيتها
يا ريتنى ما وديتها
وياريتنى ما لفتها

فى قماش ابيض
منيش كافر
ولا قليل دين
انا لو على الموت
ميت قبلها بساعتين
ازاى اكمل حياى
وازاى اناام ليلاى
وهى مش جمبى
وازاى اربى ولادى
وعينى مكسورة
منهم بدارى وتخبى
حزنى جوة منى قتلنى
معذور سامحنى يا ربى
مش بئيدى الشوق
وروحها جاتلك

فوق والله ومسلم
ورغم كل الجروح
وانى ميت خوف
والله ما اتكلم
والله يا ناس ما عارف
اوصف فاسكت
خالص تلقونى متبلم
مش مصدق حالى
انها سككت خالص
مستحيل تتكلم
بس كل يوم بتجبنى
وبشوفها بعينى والله وبسلم
ملعون ابوك يا فراق
طيرت عقلى
والناس هتقول خلاص محمد اتجنن

اليوم فى بعدها سنه

اليوم فى بعدها سنه
والسنه فى قربها يوم
وملش انا فى حساباتكم
مالى ومالك ما عليا لوم
كل اللي اعرفه 38 عام
من العذاب ما نقص
عذابهم يوم
طب انا لو كداب وقلت
والله كفرتها ايه رد الشيخ
استغفر العظيم يا ولدى
وكفرتها صوم
وملش كداب

وكذبت عليهم
كتر كلامهم بأن فى عنهم
الى يقولى اتجوز
ربى عيالك واللى يقولى
امك مش دايمالك
قلت اكذب واشترى نفسى
ما كفرتها صوم
ولا اخون مراتى ولا اشوف
غيرها اليوم وبعد اليوم
هو بعد الهنا
والأمان والحب والحنان
مين اللى قال
مراتى من النسوان
صحيح مراتى
ماتت فى عنىكم

بس والله كل ليلة
بتجيني وفي حضنها بنام

ماقصرتيش

انا اللى طول عمرى
ماشى عكسى ومشافش
هى اللى حبانى وصينان
وشيلانى فوق راسها
كل حاجة تعملها بحب
ولما تيجى تطلب اقول مقدرش
وازاي بتصون عشى
وانا البعيد بالف عش
كرهت حياتى لما بخونها
وازاي اقابلها وبأى وش
تسلم فيكى اللى ربت
وخلتك فى عنيه ملاك
فى شرع مين اللاقى
الحب عندك واللى
عندى كلوا غش

والله حقك عليا سامحيني
عشان خاطر ابويا ميزعلش
جاني بالليل في الحلم
وقلي عيب بنت اختي الغالية
نصبها على قلبك ملكة
تحكم فيه لية ما تحكمش
مدام فارد في الهوى
باعك ونكار جميل
تبيعي ال اشتراك
وتشتري ال باعك
وتنسى الأصل
خليك فاكرا أنها سترك
وأنها تببيعك صعب ومستحيل
بنت أصول وعارفها
محكومة مقاسك

وكانها تفصيل
صعب تلاقى اللى تشيل
عيوبك وانت عيوبك كتير
خليك وراها قدامها
مش هتفرق المهم مهما تعمل
فى عنيتها تفضل جميل

ألف حالة

ليها معايا الف حالة
اول حالة امى

كانت بتراعيها
ومتشكيش وكأنها
أمها مش امى
وانا البعيد غبى
ماحتش وكنت
فى حبها امى
لا أعرف أقرأ
فى حبها ولا اكتب
وكانت بتشيل عنى
لحد ما راحت منى
وانا ساكت ومتغمى
ما عارف اقول
ما عارف اعمل اية
غير كلمتين فى حقها
يتصنفوا فى بيوت

الشعر عامى
ماهى فى الاصل بنت عمتى
لا من خالى ولا عمى
هى اللى شالت
فى حشاها ولادى
هى اللى ربت فيهم
وشالت همهم عنى
وانا بغبائى مبسوط لحد
ما الموت خدھا منى
وفاتتنى بالولادين
مين يربى مين يكبر
فيسالونى يا ابويا
فين امى
معرفش ارد عليهم ابكى
واقولهم روحوا اسالوا امى

يمكن تلاقوا الرد
وانا قاعد يا ولادى مستنى
ليها معايا الف حالة
اول حالة امى

تانى حاله

تانى حاله معايا اخواتى
عمرها ما زعلتهم وكانت اختهم
كانت أحلى حاجة فى حياتى
تعرفوا بقصد مين ؟ مراتى
يسلم دين ابوها

وتسلم تربيتك يا حماتى
خلفتلى بنتك علمتيها الخير
وكل حاجة معاها بتتعمل بضمير
حتى فى حبها
ليا قلبها كان كبير
شايلة البيت لحالها
ومفيش حبة تقدير
ولا عمرها اشتكت
منى رغم كل التقصير
ال كان فى حقها
اميرة بنت أمير
كانت من بيت على
كانت من بيت كبير
يسلم ابوكى القاضى
دة سرى كان فى بير

فین اللاقى زيك
بيقولوا فيه كثير
يقولوا مهما يقولوا
لا شفوكى
ولا عرفوكى
لا عرفوا حاجة عنك
ولا عرفوا حاجة عنى
ليها معايا الف حالة
اول حالة امى

مصارحه

اوعى تصارح يوم بحبك للتحبة

نقطة ضعفك مش فى عدوك

نقطة ضعفك فى اللى تحبة

هو أقرب منك لىك

يوم ما يحس يبكى عنيك

هيقول بحبك بس بيعند

وهو كلام طاوع رجلك

طاوع قلبك كنت حبيبوا

سكنت لة جاروا سد الشبايبك
لو حب يشوفك كان يوم شافك
خدها نصيحة حب بعند
سيبك من الحب الله يهديك
سيبك من اللى يهينك
وكمان بيفرط فيك

سنين فانت وناس ماتت

سنين فانت وناس ماتت
وكله عايشها فى الأوهام
ولا نتعلم ساكت ما بتكلم
وكان العمر عدى حرام
سنين وسنين ولا فاكر
وعشت العمر انا فاجر
ولا كان فيها حساب
رغم انى مسلم مش كافر
سرحت بعقلى وانا شارد

ونسيت انى ميت مش خالد
وسنين سرقانى وبعاند
وعشت فيها العمر ساعات
قالولى ميت مافهمتش
كتر كلامهم فهمتوا سكات
يارتنى فهمت ماكنت ندمت
وعدى العمر محمد مات
قلت الرحمة وارجع تانى
قالوا نهايتك وقتك فات
قلت انا بحلم مش معقول
راحوا دفنينى
مشوا على طول
فين العزوة
وفين الاهل
فين الناس

سابونى فى قبر

وفين الصبر

عبي الكأس

انا انتهيت

بكرة حسابى مع رب الناس

الفاتحة أمانة

عارف كام يوم ويوم

وتوهوا فى الدنيا

وتنسونى من الاساس

سنين فانت

وناس ماتت

اهى كلمة نقولها

وبس خلاص

مكتوب لى العذاب والشقاء

مكتوب لى العذاب والشقاء

خليك فى الهنا وحدك

ناسى العذاب والضناء

والفرح ليك ومن اهلك

الحزن عارفنى وعارف

لو خونتة يوم اهلك

ف أخاف عليك ابعدك عنى

يا حنة منى رغم انى استاهلك

بحن واجريلك تجرى أخاف

اقول على مهلك

ولو لمحتك فى شارع يوم

صوتى يروح منى وعينى تندهلك
عرفانى بحبك وعرفانى شاريكى
وكتير غلبت المحاك
مكتوبلى العذاب والشقاء
خليك فى الهناء وحدك
أظن واضح كلام
من غير ما وضحك

الكحل فى عيونها

حببتى لما بتتكحل وتتمايل

أتحدى بيها الكون

يفوق جمالها القمر والسكران بيفوق

وحبها زاد وغطى وعلى راسى من فوق

لو تفهم كلامى تعرف بالعافية أو بالزوق

أتمنياتها تكون بحر وأنا ليها الموج

من غيرها ابيع انا نفسى فى اى شادر أو سوق

زمن الرقيق فات إلا انا فى رقبتي قتلنى الطوق

حلونى أمانة تعبت مش قدى تعب الشوق

صباح الخير

صباح الخير

يا حلوة لساكى زى ما انتى

لساكى بنت أكابر

ونهر النيل جواكى بيعدى

لسة لمة الناس الطيبين

لسة قولى لو فى حنين

ومتصدقيش والله

ما هونتى لساكى

زى ما انتى

لساكى جوة منى

لساكى غصب عنى

يا مصر عين وننى

ياريتوا كان بيدى
لساكى زى ما انتى
ولساکى زى زمان
کلك دفى وشوارک امان
والله مشتاق تحکلى
اشوف غیطانک
وارقص على نیلى
واللى یخونک ملوش عندى
غفران لساکی زى زمان
لساکى بنت بنوت خضراء
لسه الهوا
ماهدکیش یا سمراء
عارفک عنیدة وبنت أصول
واللى یعاندهک
یشوف عینک الحمراء

بحبك بحبك

ولساكى بنت بنوت

خضراء

محتويات الكتاب

الصفحة	المحتوى	م
2	بطاقة الكتاب	#

3	الإهداء	#
4	أنا أستاهل	1
7	ظلمك لى	2
10	مين يزاید علیا	3
13	الرجال أفعال	4
14	أنا الماضى	5
16	هو وهى	6
18	لون أمى	7
20	خليكى فاكركه	8
23	حب يشبه حب أمى	9
25	طمعان فى إنصافى	10
29	إنت ملاك ماشى على الأرض	11
31	أنا العربى	12
33	الكتابة	13
36	الراحة	14
38	مافيش غيرك	15
41	جمال	16
42	أبويا راجل فقير	17
46	غصب عنك	18
48	وهاتعدى الليالى	19
51	حنى وخدى نفسك	20
53	إمتى الأدب أحسن	21
55	عمرى ماكننت ريس	22
57	جوه وريد الحب بلدى	23
59	بلاد فرعون	24
61	غرام فاق الكلام	25

63	العيب مش فيكى	26
65	إحنا الأسياذ بكتاب الله	27
68	على قد حالى	28
70	رغم إنك مش معايا	29
73	كل يوم أفتح دولابها	30
76	اليوم فى بعدها سنة	31
79	ماقصر تيش	32
82	ألف حاله	33
85	تانى حاله	34
88	مصارحة	35
90	سنين فاتت وناس ماتت	36
93	مكتوب لى العذاب والشقى	37
95	الكحل فى عيونها	38
96	صباح الخير	39
99	محتويات الكتاب	#